

# HALLOWEEN



**Djis un fiesta...?**

## *Origen di Halloween*

Siglonan promé ku nasementu di Kristu e paisnan Inglatera, Scotland, Alemania, Francia i Irlandia tabata habitá pa hendenan ku yama Kelto.

Nan tabata selebrá nan aña nobo yamá Samhain 1 di november ku ta kabamentu di zomer i temporada di kosecha.

Bispu di aña nobo 31 di òktober nan tabata kere ku spirítunan di e mortonan ku a muri e aña anterior ta pasa drenta mundu di e bibunan pa poseé nan alma ya asina nan tin un kurpa bibu den aña nobo.

E saserdotenan yamá Druidunan ta sakrifiká bestia, kosecha i asta hende na nan diosnan.

Nan tabata sende un bonfire of 'bone fire' (kandela di wesu). Ku ta tur e wesunan ku nan a sakrifiká, butá huntu, sendé na kandela pa sigura ku solo lo sali atrobe depues di wenter i pa kore ku e spiritunan malu.



## *E kustumber di bai kas pa kas a kuminsá asina:*

E keltonan tabatin hopi temor di e spiritunan, ta pesei nan tabata buta fruta i kuminda dilanti kas pa satisfasé nan.

Depues e kustumber a kambia ora ku mendigonan na Inglatera ta bai kas pa kas pidiendo pa 'soulcakes' (un pan kuadrá) a kambio nan lo a resa pa alma morto di e famianan.

E frase **trick or treat** ta mas moderno i a kuminsa wordu huza den aña 1930.

Pa kore ku spiritunan malu nan tabata buta dilanti kas un pampuna ku un kara di demonio korta den dje, pensando ku e spiritunan lo spanta si nan mira algu mas mahos ku nan mes.

E kustumber di pampuna ta bini di un fábula Irlandes. Tokante un alma maldishoná ku yama Jack O' lantern.

## *Di unda e number di Halloween a sali*

Den ana 43 AD Roma a invadí mayoria teritorio Kelto. Aña 500 AD ora ku katolisismo a bira e religion mundial e influensha kristian a plama den teritorio di e Keltonan pero e paganonan a sigui selebra nan kustumbenan. Pesei pa remplasa e fiesta di e paganonan (na luga di stop nan i siñanan miho), den aña 800 A.D. papa Gegory di tres a move *Dia di Tur Santu* (*All Saints Day of All Hallows day*) ku tabata 13 di mei pa 1 di November ku ta kai pareu ku aña nobo di e Keltonan.

E bispu di Dia di Tur Santu ta 31 di Òktober nan a yama: *All Hallow's Eve* i finalmente ela bira **Halloween**.

("Eve" ta nifiká: bispu)

E peliger ta ku te ku awe hopi kustumber di e Keltonan a kontinuá i mengua ku kristianismo.

## *Di unda e kustumber di disfrasá a sali?*

Nan ta disfrasá na tur loke ta espantoso pa e spirítunan malu, ku ta lòs segun e keriansia, no rekonosé nan i hasi nan daño. Awor den nos tempu muchanan ta bisti na demoño, hèks, karpachi, zombi ets, bai kas pa kas.

Pa nan haña mangel nan tin ku bisa “trick or treat” I ken nan ta imitando? .....

Te ku awe Satanistanan i Okultistanan tur ta rekonosé Halloween komo e fiesta mas inportante di aña.

Nan ta kere ku e poder di bruhanan ta mas fuerte riba e dlanan aki i hopi sakrifisio ta tuma lugá.

Satanistanan ta ofresé almanan speshalmente di mucha na Satanas.

P.e. nan ta hinka blet, venenu, feneta, droga den e mangelnan i asta sequestrá mucha.

Ta pesei na Merka muchanan no ta bai kas di hende deskonosí mas riba e anochi di Halloween.



### **Kiko nos mester hasi?**

Por ta bo ta pensa pero ami no ta sakrifikando, mi no ta satanista, mi ta djis pasa prèt, pero bo ta pasando prèt ku kosnan ku tin di haber ku morto i sufrimentu.

Esaki ta agradá Dios?

Ku un fiesta bo ta selebrá algu, manera bo aña of un éksito; bo tin un motibu di bini huntu pero kiko bo ta selebrá ku Halloween? Tin algu di selebrá?

Ounke nos ta rekonosé ku awendia tambe hende ta pone fiesta pasobra nan ta sinti falta di ambiente; mientrastantu desasternan familiar ta sigui oumentá; en bes di drecha ambiente na kas.

Si bo ta un mama of tata Kristian i bo laga bo yunan partisipá den e fiesta aki bo ta hungando riba tereno di Skuridat.

Kiko Dios su palabra ta bisa: Nos no por partisipá den trabounan di skuridat.

**Efesionan 5:11** “No partisipá den e aktonan inutil di e hendenan ku ta biba den skuridat , pero eksponé nan akto.”

Si bo ta un yu di Dios apartá bo mes for di e kosnan aki ; **1 Korintio 10: 20** “Ora e paganonan ofresé sakrifisio na nan dios falsu, ta na demoño nan ta ofresé i no na Dios. Anto ami no ke pa boso tin niun tipo di relashon ku demoño.”

Nos tin e promesa ku Dios ta protehá nos yunan. Si nos permití nan partisipá na e fiestanan aki e promesa di Dios no ta balido mas. Abo mayor ta responsabel pa bo yu su bida spiritual; djis para ketu pensa un ratu. Kiko positivo tin na un fiesta ku ta enserá: Karpachi, brua, spirítu i ....morto? Den ki forma e práktikanan aki ta agradabel na Dios? Si bo mester a pinta un pintura pa bo yu klùr lo bo a pinta un karpachi?



Pero ora den un fiesta nan pone bo yu disfrasá na algu diabóliko e ta masha normal. Bo no ta haña esei straño?

Ta pesei Skrituranan ta bisa:

**Hosea 4:6** “mi pueblo ta bai pèrdí pa falta di konosementu”

Nos ta mirando sufisiente desgrasia i morto riba nos país, pa nos hasi wega i asta selebrá morto. Nos ke pa bai nos bon. Nos ke pa nos país ta bendishoná.

Kon lo por, si nos mes ta habri porta pa influensha satániko?



Sea sabí i apstené bo for di tipo di praktikanan asinaki.

Laga nos buska Dios su kara i lo E sana nos país. **2Kronikonan 7:14**

Si ta duel bo ku bo a yega di partisipá, of hasi otro tipo di kosnan asinaki, arepentí di bo pikanan pidi Kristu Hesus bin biba den bo kurason i E lo guiabo den tur bèrdat.

Hende ta nase pekadador. **Rom.3:23**

Esei ta e problema pa Dios. Dios ta sumamente hustu i moralmente perfekto.

Esei ta e problema di hende. **Juan 3:19,20**

Den dia di huisio, komo Hues hustu E mester kondena tur inikidat, maldat i pika.

Sabiendo ku niun hende na mundu lo por skapa di kondenashon e dia ei, den Su amor

Ela proveé un salida. **Juan 3:16**

Ela manda Su Yu, pa vense Satanas komo hende i muri na krus pa paga e preis di nos kastigu, pa asina nos por sali liber. **Rom.8:1**

Asina Dios a demonstra Su amor na nos.

**Rom. 5:8** Buska un iglesia kaminda tin otro hende manera bo ku ke biba pa Dios di bèrdat. Bo por skucha radio Kristian

(98.5 / 99.1 / 96.5MHz) pa oumenta bo konosementu di Beibel.

Bida ta kortiku, no pospone.